

Savevas vus che ...

Il dretg da vuschar per dunnas - in sguard internaziunal

■ (fmr/dat) La Svizra ha introducì il dretg da vuschar da las dunnas avant 50 onns. Però savevas vus che dal 1971 era la Svizra bunamain in'insla en l'Europa, senza dretg da vuschar per las dunnas – mo anc en cumpagnia dal Principadi da Liechtenstein e parzialmain dal Portugal. Tut ils auters pajais europeics avevan gia ditg dà a las dunnas il dretg da vuschar. Però savevas vus che la Svizra era en quel punct perfin pli plauna che Botswana, la Turchia u Burkina Faso?

La FMR dat ina survista internaziunala da l'onn d'introducziun dal dretg da vuschar da las dunnas en ils singuls pajais. Natiralmain n'è la glista betg cumpletta. La survista pli cumpletta cun explicaziuns è però da chattar tranter auter sin Wikipedia.



ILLUSTRAZIUN SILVANA DERUNGS

1893 Nova Zelanda
 1906 Finlanda
 1913 Norvegia
 1915 Danemarc
 1917 Canada
 1918 Austria, Canada ed Aserbeidschan
 1919 Germania, Olanda, ed Armenia
 1920 USA
 1922 Irlanda
 1931 Spagna
 1932 Brasilia
 1934 Turchia e Cuba
 1937 Filippinas
 1944 Frantscha
 1946 Italia, Costa d'Ivur e Burkina Faso
 1947 Argentina
 1948 Belgia
 1949 China
 1950 Haiti ed India
 1952 Bolivia e Grezia
 1954 Ghana
 1955 Etiopia
 1958 Irac
 1959 Marocco e Tunesia
 1961 Bahamas e Sierra Leone
 1962 Uganda

1963 Afganistan
 1964 Sudan
 1965 Botswana
 1967 Kongo/Zaire
1971 Svizra
 1973 Son Marin ed Andorra
 1974 Jordania, Portugal e Jemen
 1984 Liechtenstein
 1990 Samoa
 1994 Africa dal sid
 2001 Bahrain
 2003 Katar ed Oman
 2005 Kuwait
 2006 Emirats Arabs

Dal rest: Nagin dretg da votar n'han las dunnas anc en Arabia Saudita ... ed en il Vatican. Però en quel stadi datti insumma d'eleger mo in uffizi detg exclusiv e betg cuntanschibel per dunnas.

La redacziun da la FMR preschenta quest'emna – en connex cun ils 50 onns dretg da vuschar per las dunnas en Svizra - intgins fatgs interessants u particulars en dumondas d'egalitad.